

Regio.

Situs.

Soli fertilitas.

Animalium va-
rietas.Imperium majo-
rum.

Pictonium vel Pictavia, quæ sequitur, vulgo Poictou, spectat versus Meridiem Ecolismenses & Sandones ad Occidentem habet Oceanum: qua Septentrio est, Britannos respicit & Andegavenfes; reliqua Turones, Bituricenses, & Lemovices claudunt. Regio est Frugû, pecorisque, Lanæ, Linæque feracissima, Vini frumentoque dives: Avium Ferarumque magnâ habens copiam, quo fit ut venationes aucupiaque hic sint frequentia. Regni Titulo decorata legitur hæc provincia ab Gothis; quos hinc, ut tota Aquitania, exegit Francorum Rex Clodovæus. Imperator Ludovicus Pius Aquitaniæ Regnum Filio Pipino dedit; cuius filios Pipinum & Carolum quum Carolus Calvus, ipsorum Patruus, Aquitania dejectos Monasteriis inclusisset, ipse Principatum invasit, donoque Consanguineo suo Arnulpho dedit; sed, abrogato Regni Titulo, Ducatus honore signitum. Arnulpho successerunt ordine Gulielmus Bonus, Eble I, & II; Gulielmus III & IIII. Guido; Gulielmus & V: huius unica Filia & Heres Eleonora elocata fuit Ludovico VII. Francorum Regi; a quo propter adulterii proditionis suspicionem repudiata non duxit Henricus Normanniæ Dux, qui defuncto Stephano Angliæ Regi successit. Henricum tam in Angliæ Regno, quam in Dotalibus paternisque in Francia Ditionibus sequuti sunt ipsius Filii Richardus & Joannes. Quum autem Arthurus Filius Godefridi (qui Regis Ioannis maior natus fuerat) præferendum se Joanni diceret, persuasus ab Francorum Rege Philippo Augusto, ut Pictones Patruo Ioanni eriperet, rem viribus adgressus, ab Ioanne qui ex improvise supervenerat, fuis copiis, captus est, Rotomagusque raptus temeritatis suæ poenas dedit. Eam ob causam Joannes Rex ab Constantia Arthuri Matre apud Philippum Regem Paricidii accusatus, damnatus fuit: eiusque bona Philippo, tanquam Feudorum Domino, sunt ad iudicata, cum alia, tum Pictavia: quam mox Successor ipsius Ludovicus VII Alphonso Filio concessit, quo Improli defuncto, in potestatem Regis Philippi III venit, penesque ipsius posteros mansit, donec, regnante Philippo Valesio, de Eduardo I Anglorum Rege fuerit recuperata, retentaque plenius cum tota Aquitania per sancitam inter eundem & Joannem Francorum Regem pacem. Factum mox ex Aquitaniæ Ducatu Principatum Rex Eduardus Filio concessit: qui quum Aquitanis gravissimum imperasset Tributum; magnam partem amisit, defectione ab iis facta ad Carolum V Francorum Regem: cuius Nepos Carolus VII Anglos tota Aquitania, anno CI CCCCLIII exturbavit, Filioque Regi Ludovico XI reliquit. Hic eam Fratri largitus est Carolus: quo mortuo, rursus Rex Ludovicus receptam ad Regem Carolum IX Filium transmisit: a quo tempore Aquitania, cuius non ignobilis portio Pictavium, deinceps in potestate permansit Regum Franciæ. Veteres Incolæ fuerunt Pictones, Cafari, Straboni, & Plinio: Pictones Ptolemæo, Pictavi Ammiano Marcellino. Pictoniæ Regionem appellat Aufonius: Civitatem Pictavorum vel Pictavonum Notitia Provinciarum in Aquitania vel VII Viennensi. Hodie le Pais de Poictou. Pictonibus Populos Agelinatus jungã cum Plinio. Horum verissimile est memoriam adhuc superesse in Pago Aigoumois, haud procul Fano S. Maxentii quod Opidum ad Severum fluvium.